



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 726. Usque Ad Annum 813

Fleury, Claude

August. Vind. [u.a.], 1760

VD18 90117859

§.33. Sessio tertia. Epistolæ ex Oriente.

[urn:nbn:de:hbz:466:1-66091](#)

Sæcul. VIII. omnes declararunt, in eadem se esse Sen.
A. C. 787. tentia, & Epistolas Papæ recipere. Jo-

annes Legatus Orientis tam suo quam Thomæ Collegæ sui nomine, tum Aga-
pius Cæsariensis, Joannes Ephesinus,
Constantinus Cyprensis, Basilius Ancy-
ranus, Nicolaus Cyzicenus, aliquæ Epis-
copi præsentes, numero ducenti sexa-
ginta & unus eandem sibi mentem & Fi-
dem esse professi sunt. Dixit deinde

p. 151. Concilium: *Æquum etiam est, ut admo-
dum Reverendi Monachi Fidem suam con-
fiteantur.* Quærentibus Monachis, an-
istud Canones præciperent, Tarasius di-
xit: *Præcipiunt Canones, ut omnes, qui
Concilio intersunt, Fidem suam exponant.*
Mox Sabas Abbas Studiensis edixit, hanc
esse Fidem suam, quam in duabus Episto-
lis Papa explicasset. Idem confessus est
Gregorius Abbas ad S. Sergium, item
octo Abbates, & ceteri Monachi omnes.
Ita secunda hujus Concilii Sesio fini-
ta est.

§. XXXIII.

Sessio Tertia. Epistolæ ex Oriente.

Sessio tertia biduo post habita, nempe
vigesimo octavo Sept. anno 787. De-

p. 135. metrius Diaconus, & Custos Thesauri
Ecclesiæ Constantinopolitanæ dixit, Epis-
copos, ad Communionem Ecclesiæ reci-
pi postulantes ante fines stare cum Li-

Sup. §. 30.

bellis

bellis suis jam lectis. Postquam admissi Sæcul. VIII.
 sunt, iussit Tarasius, ut Gregorius Neo-
 cæsariensis, præ coeteris omnibus suspe-
 ctus, legeret Fidei suæ Confessionem,
 quæ reliquis consentanea inventa est.
 Quæsivit Tarasius an sincera esset, &
 ipso affirmante, reposuit: *Rumor est, du-*
rante persecutione probissimos viros a qui-
busdam Episcopis gravissime fuisse vexa-
tos, & saltem aliquid rei subesse credimus;
sed scitis, in Canone Apostolorum præcipi, p. 158.
ut Episcopus dominandi libidine confra-
tres percutiens deponatur. Annuit Sa-
 cra Synodus, addiditque, Episcopum, si
 Fideles persecutus fuerit, indignum fore
 Episcopatu. Verum in hanc rem suo
 tempore inquire posse, si essent, qui actio-
 nem moverent. Gregorius Neocæsarien-
 sis dixit: *Nemo unquam me accusabit, quod* ^{28. Sept.}
sive Constantinopi sive in patria mea
quemquam percusserim vel persecutus fue-
rim. Synodus dixit: *Si ita est, Gradum*
suum repetat. Joannes vero Logotheta
 Imperatoris Mandatarius dixit: *Satis sit*
Synodo, quod Gregorius Neocæsariensis,
Pseudo-Concilii Caput, reservatus fuerit
in hoc usque tempus, quo ipse Hæresim suam
damnavit. Tandem ex consensu Lega-
 torum Romanorum & Orientis, repug-
 nantibus licet quibusdam Episcopis, re-
 ceptus est. Alii quoque sex Episcopi, qui
 id in prima Sessione petierant, scilicet Ni-
 Sup. §. 28. Conc. p. 62.
 G g 3 cenus,

Sæcul. VIII. cenus, Rhodiensis, Iconiensis, Hierapolitanus, Pessinuntinus, & Carpathiensis,
A.C. 787. ad Communionem admissi.

His actis Constantius Episcopus ex Cypro dixit: *Perfectis Papæ epistolis jam etiam petimus, ut illæ legantur, quæ ex Oriente missæ sunt.* At Legati Orientis petierunt, ut prius legeretur epistola Tarasii, quia epistolæ a se redditæ, ad illam erant responsoriæ. Ergo lecta est epistola Tarasii ad Orientales, cuius summam retuli.

p. 167.
Concilium
Oecumeni-
cum.

Tumque Legati Sacræ Sedis dixerunt: *His epistolis similes Sanctus Papa noster accepit, ideoque nos misit cum responsoriis, quæ lectæ sunt.* Recitatur deinde Epistola ad Tarasium nomine Episcoporum Orientis data. In ea Orientales de Imperatore Constantinopolitano tanquam de Principe & Domino suo semper loquuntur, hostes vero & Tyrannos appellant Arabes, sub quorum Imperio jam plus annis centum quinquaginta vivebant, & neçdum eorum Dominatum patienter ferre didicerant.

Sup. §. 14. rant modum, quo Tarasii Legati excepti fuerant; deinde ad ipsius epistolam re-

F. 174. spondentes, nomine trium Sedium Apostolicarum in Oriente profitentur, quod sex Concilia Oecumenica recipient, illud vero, quod aliqui septimum dicebant, rejicerent. Tum subjungunt: *Si vobis necessarium videatur Synodum convocare,*

non

non vos turbet absentia trium Patriarcha- Sæcul. VIII.
rum, & Episcoporum illis subditorum, A. C. 787.
cum non propria voluntate absint, sed
atrocitate minarum & dira Dominorum,
a quibus premuntur, tyrannide perterriti.
Clarissimum bujus rei exemplum habetis
in Synodo Sexta Oecumenica, cui nullus
ex illis Regionibus interfuit Episcopus,
quod sub impiorum istorum jugo gemerent;
nec tamen eorum absentia Synodi Aucto-
ritati quidquam detraxit, eoque minus, Sup. l. XL.
quod Sanctissimus Papa Romanus consenti- §. 2. tom. 6.
ret, & per Legatos suos adesset. Hæc
verba sunt notatu dignissima (*) in ore
Orientalium, quorum nihil intererat Ro-
manæ Ecclesiæ adulari. Tum prosequun-
tur in hunc modum: *Ceterum, ut mentem*
nostram penitus perspiciatis, huic epistolæ
jungimus descriptum exemplar epistolæ
Synodicæ Theodori, Sanctæ memorie Pa-
triarchæ Jerosolymitani, ab ipso pro mo-
re ad Patriarcham Cosmum Alexandri-
num, & Theodorum Antiochenum datæ,
ad quam etiam responsorias accepit.

Itaque lecta est hæc Theodori Jero-
solymitani Epistola, in qua Fidem suam
confitebatur, & sex Concilia Oecumeni-
ca sine mentione alterius posterioris re- p. 185.

Gg 4 cipie-

(*) Hæc Orientalium professio contra Prote-
fiantes valet, & Fleurii Reflexio contra ejusdem
Adversarios eum malæ fidei incusantes.

Sæcul. VIII. principiebat. Amplectebatur etiam Traditiones Ecclesiæ de Veneratione Sancto-

P. 186.

rum, de Reliquiis & eorum Imaginibus.
His epistolis lectis Legati Papæ edixe-
runt; illas utpote epistolis Tarasii & Ha-
driani consentaneas sibi probari. Deum
laudarunt, quod Orientales in eadem Fi-
de de Imaginibus consentirent, & subjun-
xerunt: *Si quis aliud credit, judicio tri-
centorum decem & octo Patrum, qui in
hoc loco congregati fuerunt (nimirum in
prima Synodo Nicena) Anathema sit!*

P. 187.

in eadem esse Sententia, tota Synodus
1. Octobr. consensit. Postremo Tarasius dixit: Cf.

i. Octobr. conuenit. Poltremo Taralius dixit: *U-*

p. 194.

*Jarunt jurgia, destructus est murus, quo
separabamur. Oriens, Occidens, Septen-
trio & Meridies Fidei obediunt, omnes
concordes sumus. Ita huic Sessioni accla-
mando, orando, & Gratias agendo finis
impositus.*

§. XXXIV.

Sessio IV. Patrum Auditorias.

Sessio quarta rursus post biduum elapsum
habita est primo die Octobris anno
septingentesimo octogesimo septimo.
Cum Tarasius Patriarcha Libros Patrum
ad demonstrandam Ecclesiæ Traditionem
afferri jussisset, Leontius Imperatori ab
epistolis legere cœpit Sacrae Scripturæ
Textus de illis *Cherubim*, qui Arcam Fœ-
deris

p. 198.